



REPUBLIKA E KOSOVES-REPUBLIKA KOSOVA REPUBLIC OF KOSOVO  
KESHILLI PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD CIVIL SERVICE OF KOSOVO

Pranuar / Dorezuar Prijmjeno / Prodato Received / Delivery	02 - 12 - 2020	viti god year	
Organ / Mjesta Organ / Jedinita Org. / Unit	№ Prot № Prot Prot No	Shtojca Prilog Appendix	Sasia Kolicina Quantity
SHKËMBEK	2896	2020	13



## Republika e Kosovës Republika Kosova - Republic of Kosovo

KESHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.317/2020

Këshilli i Pavarur Mbikëqyrës për Shërbimin Civil të Kosovës-Kolegji për shqyrtimin dhe vendosjen e ankesave në përbërje nga: Jeton Koca-kryetar, Eshref Shabani dhe Malsore Gashi-Bajraktari-anëtar, dhe Avdyll Bektashi-Zyrtar i Lartë për Bashkëpunim Profesional në cilësinë e procesmbajtësit, kanë shqyrtuar kërkesën me numër A.nr.317/2020 të datës 22.10.2020 të parashtruar nga ankuesi [REDACTED] të cilin me autorizim e përfaqëson Avokat Hasan Përvetica nga Podujeva, kundër organit të punësimit Komuna e Podujevës, në çështjen juridike "kërkesë nga marrëdhënia e punës", duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës dhe Rregullores Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur me datën 02.12.2020, mori këtë:

### V E N D I M

I. REFUZOHET kërkesa me numër A.nr.317/2020 e datës 22.10.2020 e parashtruar nga ankuesi [REDACTED]

II. Vendimi hyn në fuqi ditën e nënshkrimit nga Kryetari i Kolegjit.

### A r s y e t i m

Aneksi [REDACTED] i punësuar në Komunën e Podujevës sipas Akt Emërimit të datës 01.02.2014 në pozitën "Udhëheqës i Auditimit të Brendshëm", më datë 09.06.2020 ka parashtruar ankesë për harmonizimin e pagës në Komisionin për Zgjidhjen e Kontesteve dhe Ankesave të Komunës së Podujevës.

Komisioni për Zgjidhjen e Kontesteve dhe Ankesave i Komunës së Podujevës, më datë 22.06.2020 ka nxjerr Vendim me Nr. 13-112/12-0026563/20 me të cilin ka refuzuar ankesën e ankuesit.

Ankuesi kundër këtij vendimi nëpërmjet postës më datë 25.06.2020 ka parashtruar ankesë për Këshillin e Pavarur Mbikëqyrës për Shërbimin Civil të Kosovës dhe Zyrën Kombëtare të Auditimit, mirëpo në Dëftesën për Pranimin e Dërgesës së Postës adresa ku do të duhej dërgohej ankesa shkruan Lagja Arbëri, Rruga "Ahmet Krasniqi" dhe nuk është adresa e Këshillit të

Pavarur Mbikëqyrës për Shërbimin Civil të Kosovës dhe nuk ka asnjë dëshmi që ankesa e ankuesit është pranuar në Këshillin e Pavarur Mbikëqyrës për Shërbimin Civil të Kosovës.

Ankuesi më datë 22.10.2020 në Këshillin e Pavarur Mbikëqyrës për Shërbimin Civil të Kosovës ka parashtruar kërkesë për shqyrtimin e ankesës së datës 25.06.2020, ku në kërkesë thuhet: "**██████████** nga Podujeva Rr "Salih Çeku", pn, më datë 25.06.2020 ka ushtruar ankesë kundër vendimit të Komisionit për Zgjidhjen e Kontesteve dhe Ankesave Nr. 13-112/12-0026563/20 të dt 22.06.2020 dhe ka theksuar se me aktvendimin e cekur i është refuzuar ankesa e parashtruar nga **██████████** për harmonizimin-unifikimin e pagës në pozitën e Udhëheqësi të Auditimit të Brendshëm dhe se ankesa është dorëzuar përmes pozitës me të njëjtën datë. Mirëpo deri me tani organi juaj nuk ka vendosur sipas ankesës së ushtruar andaj kërkojmë që në afatin shtesë prej 7 ditësh për zgjedhjen e kësaj çështje përndryshe kjo do të konsiderohet si aprovim i kërkesës me heshtje administrative sipas nenit 98 para 2 të Ligjit për Procedurën Administrative dhe ne do ti drejtohem organeve tjera dhe në procedurë tjetër për realizimin e kërkesës tonë sipas dispozitave ligjore".

Këshilli i Pavarur Mbikëqyrës për Shërbimin Civil i Kosovës ka kërkuar përgjigje në kërkesën e ankuesit nga Komuna e Podujevës. Këshilli më datë 09.11.2020 ka pranuar përgjigjen nga Komuna e Podujevës bashkë me shkresat e bashkëngjitura të lëndës.

Kolegji për shqyrtimin dhe vendosjen e ankesave ka administruar këto prova: Kërkesën e datës 22.10.2020 e parashtruar nga ankuesi në Këshillin e Pavarur Mbikëqyrës për Shërbimin Civil të Kosovës; Ankesën e datës 25.06.2020 e ankuesit për Këshillin e Pavarur Mbikëqyrës për Shërbimin Civil të Kosovës; Vendimin me Nr. 13-112/0026563/20 i datës 22.06.2020 i Komisionit për Zgjidhjen e Kontesteve dhe Ankesave i Komunës së Podujevës; Dëftesën për pranimin e dërgesës i datës 25.06.2020; Plotësimin e lëndës nga ankuesi më datë 02.11.2020; Autorizimin e datës 04.06.2020; Dëftesën për pranimin e dërgesës e datës 20.10.2020; Formulari i shpenzimit i datës 30.09.2020 nga Komuna e Podujevës; Akt Emërimit e ankuesit i datës 01.02.2014; Listat e pagave nga muaji janar 2012 deri janar 2020.

Kolegji për shqyrtimin dhe vendosjen e ankesave, pasi ka shqyrtuar të gjitha shkresat e lëndës të parashtruara nga palët, ka konstatuar se kërkesa e ankuesit **██████████**, është e pabazuar, sepse:

Kolegji për shqyrtimin dhe vendosjen e ankesave, duke i shqyrtuar të gjitha provat e lëndës, ka konstatuar që ankuesi kundër Vendimit me Nr. 13-112/12-0026563/20 të datës 22.06.2020 të Komisionit për Zgjidhjen e Kontesteve dhe Ankesave të Komunës së Podujevës nëpërmjet postës më datë 25.06.2020 ka parashtruar ankesë për Këshillin e Pavarur Mbikëqyrës për Shërbimin Civil të Kosovës dhe Zyrën Kombëtare të Auditimit, mirëpo ankesa nuk ka ardhur respektivisht nuk ka asnjë dëshmi që është pranuar në Këshillin e Pavarur Mbikëqyrës për Shërbimin Civil të Kosovës, ndërsa më datë 22.10.2020 Këshilli i Pavarur Mbikëqyrës për Shërbimin Civil të Kosovës ka pranuar kërkesën e ankuesit me të cilin ka kërkuar të shqyrtohet ankesa e datës 25.06.2020.

Kolegji për shqyrtimin dhe vendosjen e ankesave, në bazë të provave të lëndës, ka konstatuar se nëse ankesa e ankuesit e datës 25.06.2020 e cila ka qenë e paraparë për Këshillin e Pavarur Mbikëqyrës për Shërbimin Civil të Kosovës dhe Zyrën Kombëtare të Auditimit, është dorëzuar vetëm tek Zyra Kombëtare e Auditimit pasi që në Dëftesën për Pranimin e Dërgesës së Postës



adresa ku do të duhej dërgohej ankesa shkruan *Lagja Arbëri, Rruga "Ahmet Krasniqi"* dhe nuk është dhënë adresa e Këshillit të Pavarur Mbikëqyrës për Shërbimin Civil të Kosovës, atëherë Zyra Kombëtare e Audimit ka qenë e obliguar që ankesën e ankuesit ta përcjell në Këshillin e Pavarur Mbikëqyrës për Shërbimin Civil të Kosovës si organ kompetent për shqyrtimin e saj, në pajtim me nenin 75 paragrafin 1 të Ligjit Nr. 05/L-031 për Procedurën e Përgjithshme Administrative, i cili përcakton se: "Kur një organ publik merr një kërkesë me shkrim që është jashtë kompetencave të veta, pa vonesë do t'ia kalojë kërkesën organit kompetent dhe do të njoftojë dërguesin për këtë".


Kolegji për shqyrtimin dhe vendosjen e ankesave, duke i vlerësuar të gjitha provat e lëndës konstaton se ankuesi nuk ka dëshmuar me ndonjë provë që ankesa e tij është pranuar nga Këshilli i Pavarur Mbikëqyrës për Shërbimin Civil të Kosovës, atëherë një ankesë të tillë nuk ka mundur ta shqyrtoj, rrjedhimisht edhe kërkesa e datës 22.10.2020 e parashtruar nga ankuesi për Këshillin e Pavarur Mbikëqyrës për Shërbimin Civil të Kosovës është e pa themelt, sepse për të qenë e themelt ankesat duhet të parashtrohen brenda afateve ligjore të përcaktuara me nenin 127 të Ligjit Nr. 05/L-031 për Procedurën e Përgjithshme Administrative, kështu që meqenëse Këshilli i Pavarur Mbikëqyrës për Shërbimin Civil të Kosovës nuk ka pranuar asnjë ankesë lidhur me pretendimet ankimore të ankuesit, në bazë të Ligjit Nr. 05/L-031 për Procedurën e Përgjithshme Administrative nuk ka pasur asnjë obligim ligjor të nxjerr akt administrativ siç ankuesi ka kërkuar me kërkesën e datës 22.10.2020.

Bazuar në këto rrethana, Kolegji për shqyrtimin e ankesës, pas analizimit dhe vlerësimit të të gjitha shkresave të lëndës si dhe duke u bazuar në kompetencën e Këshillit, vendosi si në dispozitiv të këtij Vendimi.

**Këshillë juridike:** Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalin ekzekutimin e këtij vendimi.

**Këshilli i Pavarur Mbikëqyrës për Shërbimin Civil të Kosovës**  
**Lënda me numër A.nr.317/2020**

**Avdyl BEKTESHI**  
Zyrtar i Lartë për Bashkëpunim Profesional



**Vendimi i dërgohet**

- Përfaqësuesit të ankuesit [REDACTED];
- Kryetarit të Komunës së Podujevës;
- Udhëheqësit të Personelit në Komunën e Podujevës dhe
- Arkivit të KPMSHCK-së.

